

ZRZESZ KASZĘBSKŌ

CZĄDNJIK
KASZĘBSKJICH ZAJMOV



V MJONO BOSKJI
NORODNI VZENJIK

Vědovajaci i redaktor wodpovjedzalni:
IGNACY SZUTENBERG — GDYNIA
ul. Świętojańska 14.

„Zrzesz Kaszëbskŏ” věchodŏ 1 roz v mje-
saci. Przedplatnŏ je rocznje 3.00 zł;
kwartalno 0,75 zł. Czqdk 25 gr.

NR 9

KARTUZE, sěvnjik 1938

ROK VI

NASZ GDUŃSK

Gduńsk historecznŏ stolëca vzeńdnŏ pomŏrskjich najech księż, jakno stoleczni naji nadmorskji taczecně gard, nje przestovoł naju interesirovac v cigu dzejov, a tim barzij dziso, kjej coroz gvesni dochodomě do najech vortnoscov szczepovo kaszëbskijich. Wo tim svjodczy choci sama „Zrzesz”, v chterni vjele je dlo njeho mola. V rozmajitim znaczenjim to „nasz” možno je rozmjoc. Može won vjic mjec politiczně znaczenjé. V tim rozmjenji dziso nje noleži do Polskji. „Nasz” možno tež je rozmjoc v rozmjenjim etnicznim. Tu ju vjici možemě cos rzec, że Gduńsk je jesz dziso nasz, przënomji v stŏrim pokolenji. To jesz v vjalgijim parce nje vërzekŏ sę kaszëbjizně — slovjanjizně.

Kjej to njechce chto vjerzec, rozmjoc — a sę takji i z polskji strone co go nom etniczno czesto wodmovjaję — njechże zjedze choci do Sopotu, a kęsk lepji so przëzdrzi, przësłëchŏ, a sę przekonŏ. A kjej sę z njima rozgodŏ v rodni kaszëbskji movje, vjidzaję że to je domŏk, wodmikaję deszę i vjele tej simpateji i rozmjenjaję do svojskoscë-kaszëbjiznë maję.

Godajaci z tima dobetno sę wodczivŏ, że kjejbe nasta pomeslnŏ konjunktura, nje belëbe dlo kaszëbjiznë straconi. Lecho rovnak je v młodim pokolenjim — to vënarodovjŏ sę na calechni linji. Co „centrum” tak wobłudno zacęło v starszim pokolenjim, chvetajaci sę tuza religijniho dlo wucapjenjŏ v kleszcze germanizmu religijni desze kaszëbskji, to v młodim pokolenjim radikalno kuńczy vjerę hitlerizm.

„Nasz” tež woznoczo nasz v tradiciji historiczni i kulturalni. V tim rozmjenji vjedno so mdzemě go vłŏszczële i podsztlichele, że z ne titla je naji. (V polskjich vědavach wo Gduńsku, wo kaszëbskijich

pamiątkach njick abo baro mało pjszję; vjedno mdze tam mova wo polskjich, ale wo najech — to nje). A tim barzij go nji možemě anji tež nje zabejemě, bo v jehŏ toc greńcach v Wolevje je naji kaszëbskji Vavel. I neho nom njechterni przëznovac nje meszję, a to njibe dlo te, że Gduńsk do naj dziso anji politëczno anji navetka vedle njich etnografcjiczo nje noleži. Przëpominomě, że kjej Polskŏ bela v pojmanjim, to njicht v nen czas nje wodgodivoł Krakova jakno mola spoczinku polskjich krolŏv i księż.

A v Wolevje toc spję naji kaszëbskji vastovjëksiężęta, naji Chrobrovje — Svjętopŏlk Belni, Subjislavovje, Samborovje, Mestvjinovje ij., z chternejch vostatni przëd smjerçę prosj, żebe go chovelë v Wolevje, bo „mŏl to spoczinku tatkov najech, v chternim i mę chcemě bec pochovani”.

Kureszce je won nasz z punktu zdrzenjijho Wopatrznosce, chterna go przëpjisa Kaszëbom. V tim rozmjenjim momě nobelnjeszi pravo do vszetkijho, dze nama dele naję taczecnę. Z ne title momě pravo tak do Gduńska, jak i do Sztetena, Bartu i Ruj. Choba dosc dobetno svjodczy wo tim historejŏ.

Tehŏ prava mę so wodebrac nje domë. Ale sę njejednŏ. cobe chcele go prëdzi przësądzec Njemcom, anjigle Kaszëbom. To možnobe vëczetac z jejich pjsanijho, a naji szkaleję wod separatistov. Zarzucŏ sę nama, że choci tak vjele godomë wo Gduńsku, przëpjsivomë sobje takji do njeho prava, rovnak do jehŏ wodnjemczënjŏ sę nje zabjeromë.

Më Kaszëbjj sami jesmë za wubogji, kureszëc noleżimë do Polskji, vjic jejj to sprava. Cze polskŏ diplomacejŏ može tež mjec spokojnë i czestë sëmjenjé, że Gduńsk dziso na najj woczach vëzbivŏ sę

Słowjanovje ę Kaszebjj

(Postępnj wątk)

To doprowadzi naszę wuwogę do naszech słowjańskich gvoscewoscov norodnigo charakteru. Njigde norodni stvor nje beł tak rozbjiti, tak rozparzkovoni (rozproszkowany) jak Słowjanovje. Słowjanov rechujemę na 11—13 „norodov“, Roźnjice zasadnjicze są tak molę, że njemjeckô nowuka vēsena teorejā wo jednosce vszetkijch Słowjan, tak jizbe noleżało movjic wo szczepach i narzeczach, njj wo norodach i jęzekach. A jednak żodna jednostka etniczno nje je tak rozparzkovono, njejednoto v kulturze, religij, norodni svjadomosce etc. jak Słowjanovje. Koždô wodrebnose chce bęc norodem. Roźnjice kulturalne (Rusejô — Polskô) są vjiksze, njjz mjidze roźnima norodami dzejindze (Anjelskô — Portugalejô). Grańce państvosce tak njestalę, religije tak sprzecznę, zozdrosc i falszevota tak vjelgô, a przętim njemoc politicznô, kulturalno v dzejach i tero tak wuderzajacô, jiz zjaviszczę sełę, jednosce i staloscę są vęjatkove v wobrozku dzejovim tego naszigo morza słowjańskijho. Za to słowjańskij człowjek i kraje są jakbe njikogu jaż do dzis dnja. Njemjeckij słowo „Sklawe“ (njevólnjik), chterno woznozcô Slave-Słowjon movjic za tim, że z mrovjô słowjańskijho ledztva možno belo brac jak parę z povjetrzigo. Prziczena tego njepochlebnigo stonu je v słowjańskim charakterze,

słowjanizne a germanizeje se? Kuleż to razi dr Majkovskij narzekoł, że v czase naradov versalskich, kkej staroł se wo vizę do Pariza, wo mandatum ze strone Polskij, żebe mog v spravje Kaszebov v Versalu zabrac glos — a cheba won beł v nen czas nobeljeszi v ti spravje zabjerac glos — to netejszi vojevođa pom. Łaszevskij mjoł mu rzec: „Panie, przecięz pan nie wygląda na Kaszubę. Kaszuba musi mieć takie łapy, takie nogi, ale nie taki jak Pan!”

Majkovskij beł jedinim, chteren be wudovodnjeł słowjańskosc Gduńska, Betova, Lęborka, Stolpa, a nje njeborok Abram, chterniho argumentem na kaszebskosc tech zem jesz nje vęnarodovjonech beł rożk z tobaką. Kogoż v tim bela ręka, że Majkovskijho v nen czas do Versalu nje puscele?

Dziso Gduńsk wodnjemczec mdze gorzij, ale zapozdze jesz nje je. Kogoż tu vjinjic, że Gduńsk nje je przę Polsce? Nas nje — admjnistracejô polskô njech sama sebbe vjini. Mę vjerzele Polsee woddovajajęci se ji v wopjekę. Takji naji rechunk dzisi.

majacim kol vjelgijch zalet vnetka rovno vjelgij slabosce. Czę mę Kaszebjj stanovjimę vęjimk v tim vzględze postrzód Słowjan. Benomnij, dobrze to nama vjadomo: pjenjactvo kaszebskij je przęsłowjovim, njenavjisce wod brata do brata, njehamovonę woddovonję se pjicu, zgnijlstvu, njeliosce — to v gvesni mjerze i kaszebskij, a prostactva i fajolovałosce wu nas może vjicij, njizle dzejindze. Wod Czechov i takze wod vjele szczepov polskijch mogle be jesmę vjele se nawuczec. Pjerszi bo są procovjiti i trzezvi jak żodni Słowjanovje, a wutcevosce i dobroc charakteru vjele szczepov polskijch je vzorovô. Czę na to je rāda? Gvesno. Charakter norodu bo je vętvoreę rozklęcigo czilze vęchovanjô na tesacłati rozciņjonigo. Anjelczicę, znoni dzis z rzetelnoscę, bele kjedes norodem zlodzejskijm jak Grecę; Njemcę nobarzij njespokojnim, vanożnim norodem; dzis nomocnij do svoji zemji przęvjazoni etc. Stądka svjāda, że nasze vade charakteru może powstałę v czādze czasu, tak jak powstałę nasze zaletę? Hevoż pravje v tim provda. Że jesmę przęvjazoni do naszigo skrovka przębrzeźnigo, do jałovech grunťov — to z musu dzejovigo, bo naszj przodkovje belę vępjarti z lepszech grunťov. Przebjęłota i gnesnota Kaszebov mają svā prziczenę tesacłatni njevoli pańszezeznjani i zanjedbanjim kulturalnim. Różnorodnosce jęzekovô zôs v braku rechu, komunikaceji; starożetnosce jęzekovô v zastoju kulturalnim itd. Nabelę jesmę v czādze vjekov takze dodatne strone chcrakteru, jak skromnota žecô i wobeczajov — przez wubostvo a konservatizm i njewufnota na procemku do cezech stanovjilę vale przed vęnarodovjenjim. Wokoma nadpomknjonech geograficznich, dzejovich i społecznych są jesz jinszi nabote zevnětrzni noterę, sztołtejacę charakter i szczescę norodov, jak vępodkij politiczni, vojne, katastrofe: Wone vszetkij mają takā moc sztołtejacā na jednostkij i tim samim na całosc norodu, że nje podobno jim se woprzec. Te nabote zevnětrzni belę dlo Słowjan v dzęlu baro njekorzestni i stądka może wujemni wobroz charakteru słowjańskijgo i takze baro kaszebskijgo. Czę to jednak vszetko? Hevoż njj! Są jesz nabote vevnětrzni, nje mnij mocni, a navetk przewożajaci heneż ne. Vjidzelę jesmę, że mimo wujemnych stosenkov zevnětrznich njechterni Słowjanovje belno se roźnjā wod resztę, a to dodatno, jak np. Polosze. Jini jak Slovace budzā se v svoji godzenje dzejovi, vstajac po długjim leženjim do częnu, do bętu, do kulturę, do vjelgoscę!

A mę Kaszebjj?

(Postępnj wątk mdze)

Slavia Occidentalis

prof. M. Rudnjickji v spravje „Zrzeszë“

V wostatni SO XVI prof. M. Rudnjickji posvě- cel kjile stronov kritikji Zrzeszińcov i „Zrzeszë“. Przëznac trzebno, że to je fachovô i starannô kritika naji i najigo cządnjika. V njejednych punktach nje meslimë i nje mdzemë przekovac, v zôs dregjich muszimë rovnak prof. R. vëvode rozvjidnjic i vskozac na dregą stronę medôlu. Z te mola też dzëkujenë p. R. za kuńcové slova artikla: „Życząc wydawnictwu rozwoju, należy wyrazić postulat, aby stanowczo pozbyło się rzeczy zbędnych, a może nawet szkodliwych dla idei, którą stara się reprezentować, a i nawet (przynajmniej w słowach) realizować“

Zacznijimë wod momentov historecznych. Na str. 198 pjsze v., że politeka njemjeckô nje dopusca do zrzeszenjô sę Polskji z Sztet. Pom. a v sparłëczenjim sę z Vzen. Pom. przeszkodza. Provdá. Le dregji moment: chtëż beł zainteresirované Krzëżokov sprovadzec? Cze mjele wonji leno wojovac z Prësokami? Vëšovaje sę że nje: bo ju wod samech zoczątkov jidą v parce z ksiżętami polskjima procemku vzeńdnemu Pomorzimu. Dziwné probe parłëczeniго: wognję i toporkę; njech Pomorzé mdze choci krzëżackji, njech zgjinje, njigle mjalobe wobstojec.

Na str. 208 autor pjsze: „Pom. Zach. bronilo się przed Polską, która im przeciw wynarodowieniem nie zagrażała, a uzależniali się coraz bardziej od Niemców i wreszcie zniemczyli się“. Przëndzmnë krotko nen sztot czasu i chcemë sę jemu przëdzrec. Dva raze przeszłë przez Pomorzé krolovje polskji: roz Boleslov Chrobri, dregji Bol. Krzëvogëbi. Kjebbe Polskô sparłëczonô i zvjartô pod tima vojorzami (v procemnosce do rozbjitigo Pom.) beła wosta tak mocnô i vjelgô, belobe gvesno Pom. veignjętë v jeji greńce. Stało sę rovnak jinakji. Polskô ju v 1157 wupokorza sę przed cisorzë i nalazła sę v tim położenjim, co Pomorzô v 1181. Jasnim je, że tej Polskô na dlugji czas traci svoję sełë abstrakcijną. V Njemcach tej vjele lepij nje je — ekspanzejô jich zvarcô sę na pońjé. Le na greńcach bjiją sę nadgreńczni vladcovje. Kjej znovu zaczinô sę wodbudova Polskji — tej traci Pom. Vzen. Ale tede aktualné robji sę Pom. Sztet. Je zamiszlanô parłëga tich dvuch krajov, chterna moglabë mjec vjalgji ë belni skutkji na vjitro. Vastovje pom. bele zgodni; ceż za teza: jich ksążë krolę v Krakovje — le dvor polskji je zazdrzani na vzenjik i pońjé; może mjele provdę i chvjilovę korzesc, kjej vëbrele Ludvika.

Wod ne czasu rovnak stosenkji pol.-pom. są abo wobojetni abo i vrogji. Kogo za to vjinjic, że sę tak vszetko wulożelo, to cëżko dzis rzec, ale jedno je gvesné: za mało jesz beło dodrzenjenjô politeczniго. Charakteristicznim je też i to, że vszetece notej cigñële na zopod. Robjile to Pomorzanovje, Polosze, Czesze a navetka Rusce. Vszetko zdrzało tam, skądk plëna civilizacejô i novô kultura. Kożdi wod nji choł co mjec; ti zôs, co stamtądka przëszłë. mjele nevjiksze síovo v krôju. Vjemë też, że jëzeczno greńca v XIV i XV st. mjidze Pomorzim, Polską a Czechama beła jesz njeznacznô i że tej dopjerku zaczęła budzec sę norodnô przënależnota. Rovnak Praga njimô dzis do Varszave žalov, że ta wostatnô sę nje zczeszëła. Jinakji be beło, kjebbe jak na Pomorzim, v Czechach bele Njemce; tebbe Polskô do njich mjała żol, że sę nje spoloszëłë. Na szczescë, Czechom lepij poszlo jak Pomorzanom.

Na str. 209 v. R. pjsze tak: „W dokumentach tych zapomina się o pomocy Polski, co o tyle rozumiałe, że trzebaby było wspomnieć o zależności politycznej od Bol. Krzyw., a zatym od Polski, co niepodległemu w owym czasie Pom. Zach. niebardzo dogadzało. Niemniej jednak ten ambicyjny wzgląd zrywał tradycyjny węzeł wspólnoty pol.-pom., niewątpliwie na szkodę obu stron“. Prof. R. chce, żebe Pom. łaskavo pamjëtalo wo najôzdach polskjich, czilze wo zaleznoce wod kogos v slodnych czasach. Wuvożaję, że koźderné państwo storô sę vszednjima sełami zatrzec szlach takji przënoleżnote. Analogjov je vjele: Czeche — Polskô, Polskô — Rusejô ij. Dlo te nji możemë mjec pretensjov do seńov Varti-slôva I, Bogusłova i Kazmjerza, że v dokumentach no nje vspomjinele. Dalij godaje v. R. wo tradicijnim vëzle parłëgji pol.-pom. Tu zrobjel vasta nen som fel, co go zarzuce na str. 200 A. L. wo zadomovjonim antagonizimje pol.-pom. Z drëstvë dvuch norodov zagves beło tak: najozde Bol. Chr. i Bol. Krzëv. vdorzivonë bële na Pomorzim gorzlevo i zjenavjidenjim. I z nądka to, żebe jak nochudzi wo njech zabec, vëmazac z pamjęce. Tradicejô, drëstvo — to są sprave baro a baro vzglëdni.

Na str. 205 v. R. pjsze: „W „Zrzeszy“ wciąż spotykają się ciepłe wspomnienia na temat dynastii księżęcej na Pom. Zach. Dlatego to zastanawia, że ci dynaści byli niemczyicielami Pom. Zach.“. Też lepij sę nje zastanovjac! Wuvożaję, że nje są wonc ceplë le rzeczové. Są podovonë v formje spravozdanjov cze vspomnjenjov posmjertnych. Ale chto be so tam „ceplote“ dopatrivoł. To, że wonji popjerele Njemcov, to ju je górzij. Br. Sobczak.

(postëpni vatk mdze)

WZENJIK ARKONĚ

Tragedejô v 4 aktach — AKT PĚRŠZI

6]

DECH III:

Vcig v sebje zdržě! V bjotkach wu swojeh mjě
Vespjer. Tam szekej leno part!
Bo chebni svjat będze choł stręc v ližě,
Žebe ce dobęc njigde gard
Jakji wo volnosc vstanje tu.

DECH IV:

Z Tagerě bjotkji svjodezają mu,
Žle movjisz wo chebach... Nje vjerzě njie
Godcě dzis słodkji. Bjej choc som,
Jak kože cě zgrova naj vjolgô jic.
Tejde nje zlegniesz v chebje nom
I dokoz tvoj mocni mdze jakno klif
Na chebov ząb — vjeczno tež będziesz živ.
Bocz! Godka jak cekjer le słodechnô
V se žądło z ľba znijje cě chebni mō!

DECH V:

Tu, brace, na cebje Stojignjev zdrzi
Z nad vode tu przėszed dzis Reknjicě,
Dze zległech troj vojov wo Rodni snji;
Ferkot znov' stanjicov częc chcą!
Bjej v szlache tech vojov! V jich belnocě
Dońdziesz. Choc może tež cě stną
Tvoj zgrově kark jakno to scęle mje...
Tě jednak bjej vcig belno v deje turz
I bratom tu i Tatczeznje naj služ!

DECH VI:

Jak tejde szed v bjotkji won Stojignjev,
Jak Mcevoj, jak Maszka, a kraj nasz leg
Tak tě bjej! Jich modrô po latach krev
Tobje njech mocą je!
Tobje njech vjarą mdze!
Czejesz mje...? V cebje kładzě jô
To jedno, co nom jesz je jakno zbjeg
Mocni i vjeczni: pravo bęc!
Pravo mē momē słodą žęc!
Vzbudě grez cebje njech to pchô.
Jesmē z nje, dzeje są
Z cemže njech vjidę skrzą!
Tvoja moc ževo njech je zdô
Dzis z ledę jak przode!
Njech znjeci płom słodě
Tu v sercach, tu v desze z lat noroda!
Oh, vstanjě tej...

DECHE:

Zemji voj zarzekli
Remotę z grobov, vjichjreszczov.

DECH:

I njebo rozvjidnji nom pobjegli
Z ce najô wodzělô tu przęcchoda,

DECH VII:

I nasze znov' serca nom bjele mďą
Jele mďą częc vjev porenkov,
I vjidni znov' Znjicze nom zaluskną.
A starovni zvon
Ju zbudzi tu ston
Vszęden wo decha volni gon.
V najim žegnanjim, žegnanjim
Bjej ztądka jak vjidni moľnjovi ľisk.

DECHE:

Na stoip Arkoně bjoli bjej!
Jidzě v žegnanjim, v žegnanjim.
Pomorzki naczęcę ju dej;
Lud jeji njech z sercov sparłękji kusk.

DECH VIII:

Tu stoi przed tobą tech dzejov svjodk,
Chterne są mjeczę zrodzali,
Vojov kręvję zôs spjisali.
Na płacze jem belno za vojarskji,
Przez smutkji ě krzivde za boląci.
Czorni krziż rędoł v naji kr'vji,
Dzisi to mają zabeti...
Wo zemję naj ksiżec jem merech bjotk
Svjętopel z vojarskji gorę
Dzis drdzevji mjecz v rejnach ju zasani
I nagji le grobe z vsząd smutkję zdrzą,
Bo proche z czos słave v njich zbeti spją,
Dze senov po wojcach lore?!

ALIKS (grobovo):

Z mje vińdze moc decha, moc gran'tovô,
Co zreszi te pola kr'vją zbredani,
Co zreszi zev grobov — mstę zrodzivô.

DECHE:

Pjerszi głos volnjě naj tu częc!
Pjerszi z nje zbudzenjě tu częc!

DECH IX:

Jak moľnjô tě ledom tu rozvjidnjě
Na drogę do novi dzis Arkoně...

DECHE:

Naji ves žegnanjě, v njim moc
(Stoją kole nje vestrzodku dęch z krziżę, pō stro-
nach z mjeczę i kseğą, reszta mjeczze mō vecigłi
nad njim)

Dostnjesz do turzenjô, v njim moc!

(Postępnj vątk mdze)

Cėdovnŏ koszėla

(Povjostkji kaszebskji, dzěl II — postėpni vątk)

E znov sedzŏł stori woje przė pjecku ě czetŏł gazetę. Beł jeden krol ě mjoł jedną corkę. V koźdi noce wona jednę porę botov porvała. Krol choł vjedzec, jak to przėszo, że botė le jedną noc trzi-malė.

Glupji Mjichŏłk rzek:

Tatku, pudę do krola ě mu spravę vėjasnję. Woje mu pozvolil na daleką podrŏz. Przėszed do mjasta krolevskjigo ě stanął przed krolę. Ten rzek: Koźdi vjeczor dostarczę krolevjonce porę botov novėch. Połŏzi so dzėvczę spac, ě njigdze nje vėchodzi, ale reno jednak botė są podzarti. Jak to so moze stac? Corka njė moze abo njechce mje tego povjedzec!

Glupi rzek: Tę spravę jŏ zbadom, dejcė le mje czas do vjitra.

Mjichŏłk woblek so cėdovną koszėlę ě vlož do jizbe, gdje krolevjonka spa. Njicht go nje vjidzoł. Połŏził sę za pjeck na łavę ě wuvozoł, co bė so stalŏ. Krolevjonka zblekla so ruchna ě połŏżela sę spac. Spa so spokojno do połnocė. Wobudzela sę potemu, vstala ě wubrała v nolepszı klėd ě woblekla novė bote. Vėjėła z łŏzka pupę, vzėła rozgę, chterna na scanje kole łŏzka vjisa ě wuderzela je trzė raze rozgą. Stanął tede przed nją zamjast pupė pjėkni krolevjicz. Ten sę wobe zdrzoł na vszetkji strone ě rzek:

— Je to ju na nas czas!

— Jo — wodpovjedzało dzėvczę — to je ju czas.

Wuchveca go za rękę. Woboje veszł do sklepu. Tam bele dvjarze wukrėtė, chtėrne provadzele podzemną drogą do kapłecė. Dzėvczę tańcovało tu z młŏdzeńcem tak dłuęo, jaź porvało botė ě nogavjicė ě ji krev z nog vėprisnėła. Rzekło: mom tego tańcovanjŏ dosc! Vzėła krolevjicza pod rękę ě vrocęło do sepjalnii. Wuderzelo młŏdzeńca trzė raze rozgą, won sę zamjenjel na pupę. Dzėvczę połŏzelo go v łŏzko ě samo kładło so spac.

Mjichŏłk, chteren za pŏrą szed ě vszetko vjidzoł, rzek do krola: Vjitra reno przıńdzesz do jizbe, gdje krolevjonka spji. Dovjesz sę, czemu dzėvczę v nocė novė botė podrze.

Vjeczor szed glupi znovu do krolevjonkji ě skrel sę v cėdovni koszėli za pjeckę. Vjidzoł, jak wo połnocė to dvoje tańcovało, a jak reno przėszeł ě so spac połŏżelė. Dzėvczę ě pupa. Zblek koszėlę cėdovną ě zavoloł krola. Vėcignął pupę z łŏzka ě wuderzil je trzė raze rozgą. Krolevjicz stojł zamjast pupė v jizbje, zėvoł ě pitoł sę:

Je to ju czas na nas? Wobe zdrzoł so na vszetkji strone ě wuzdrzoł krola ě Mjichŏłka. Pŏd na kolana ě dzėkovoł Bogu za vėbavjenjė. Povjodoł: Mjıńęło to ju pjıńc lat. Tede tańcovoł jŏ z krolevjonką v koscele. Bog mje wukoroł. Koźdi nocė jŏ z krolevjonką muszel tańcovac aź nom krev z nog vėprisnėła. Vėbavjoni mjoł bėc tede, kjebbe mje chto v tim przėszkodzel. Tere nje brėkuję vjicij v nocė tańcovac, va mje vėbavjilė.

Krol choł dac Mjichŏłkovji krolevjonkę za bjalkę, ale won rzek:

— Krolevjonka je przeznaczonŏ dlo krolevjicza, a nje dlo mje gulpigŏ sėna gburskijigo. Njech so to dvoje ženja, mje kupce gospodarstvo v lasach kaszebskijich, a będę jŏ baro szczestlevi.

Krol spełnijł żeczenjė Mjichŏłka.

Kuńc

„Vrėje” Fr. Tredra v 3 dzėlach

wodegrani starą Partu Akademjikov
Kasz. v Kartuzach dnja 14 i 15 VIII.

Plakate v jęz. kasz. i transparent na renku zapovjodałe, że Part Akad. Kasz. na fėrjach nje próżneje, le mesli wo svojim zadanjim v centralnim mŏlu kaszebskji kulture. Worganę bo Koła, to zdrzadnjŏ i źevė slovo. To teź Kaszebjı karteskji z zaczekavjenjim źdale, co jima młŏdi v tim roku pokoźą. I źdanjė jich nje woszukało. Vjeczor nen, to jeden z novjikszych i nobelńjeszych v roboce Koła.

Vjidzavjisko, chterno pjerszi roz wostało vėstavjonė, njı mjało tich valorov zdrzadnjovich, co zesłŏrocznŏ „Hanka”. Nen minjonigo roku sukces „Hankji” choł tego roku podobnigo efektu. „Vrėje” to dosc loznė zestawjenjė momentov wobe czajovich, podezdrzanich i v dzėlu njeznŏnich z źėcigo Kaszebov, a majał wone za vątk vrėje (swaty, zaloty). Je to vjic tema njetelko lubotnŏ i vjedno novŏ — mjıłota ě młŏdose, ale i vjesołŏ, chterna daje baro vjele mola na popjisanjė so dlo jinteligentnych ě przėstojnich vėkonavcov, z jakjis Koło sę skłŏdŏ.

Vjidzelė jesmė przėtim na zdrzadnji pjėkni dzewuse z Kartuz; na zabavje zŏs wokozało sę, że są baro wurŏdzevi. Kolo ze svojigo zadanigo vėvjązało sę baro dobrze v tuńcach ě spjevkach, v vjesolich scenach, strojach i przeroźnich situacijach: v antraktach, v chternejch bele deklamacje, solovė ě duetovi spjeve, dało farvni ě mjeli wobroz dėsze kaszebskji. Dobrim zamjerzenjim bele wuczenjė przez deklamację mjij znŏni rapsodji „Hej Diduna” ducha mestra Majkovskijigo, njesmjertelno patronującigo sztece i literaturze naji.

V vėkonanjim i zrobjenim svojigo zadanjigo njı moźeme njic mjec procem młŏdim aktorom. Ze

procemno njima vjikszi pochvale, jakno: ze slabi sztekji zrobjic pjękni vjeczor. Koło mô ju belno zgrané part aktorskj i spjevoekji, tradicejé i dosvjadczenié zdrzadnjové. Tim samim tvorzi nopovažnjeszą placovkę zdrzadnjovi kulture na Kaszebach. Jedno przëtím žéczenjé: be nen dejovi dorôbk dovoł nje leno roz v roku procent, ale 3—4 raze. Dregji žéczenjé mogbe mjec provdzevi Kaszeba i mjelotnjik Kaszebov, žebe nje dopuscelé navetka do njechcącigo wosmeszenigo Kaszebov. V sztece Trédra njick takjigo provdac nje belo, zato monolog humoristiczni vstępní nje belbe njick na tim straceł, kjejebe z tą samą povogą jakno Tréder vzął charakter ledu. Kaszeba to nje je toc tip gļepka-zavalidrogji, le chitri, a choc vjedno gotoví do smjéchu, rovnak povožni tip ledzki.

Co se czëtô ë czeje

— Miecz Jarosławski „Zew morza“, 2 dz., Warszawa, Rój 1936. Temę ksążkji je budacejô Polskji nad morzím. Vécigomě njechterné zdanja wo Kaszebach (dz. II, 95): „Alež to są Niemcy, to co było kiedyś w ich przodkach polskie, skarłowaciało do używania nielicznych słów i zniekształconych nazwisk polskich. Szczep ten nie zasilany polskością, skretyniał“. — (Dz. II, 96) „Jedno tylko przy tym przeżasonowywaniu narodowym zachowali, mianowicie religię niby tabliczkę reklamową zawieszoną na szyi, niby metrykę na wszelki wypadek, niby etykietę lokalnej fabrykacji. Oni są Niemcami, „bloss katolisch“. — (Dz. II, 97) „Polska obsypując ich tym bogactwem, zapomniała tu pozostawić swego żandarma, zamiast usuniętego Niemca. A nałóg jest nałogiem — natura, naturą, szczególnie u degeneratów. — Więc czegoż pan chce? Teroru? — Bata! panie kochany!“ Takjich „povjedzonkov“ tam je vjele, a co jedno, to lepsze. Z nim batigę to vjerę nje je v porządku. Mě do njego nje jesme przževczajoni, ale autor to vjerę jo, le že won jich kask za mało gves wodebroł. A z batigę to le pódchodzi nen, co se boji. Te słowa tvoje svjodczą wo tím, že jes baro, baro mali i že ce jesz vjele kulture brekuje. Som tē tež nje jes, co tak meslisz, tē bo jes „vox populi“ tich vszetkjich. Nas jedno przëtím wuderzelo: kjej Njemcovje z naji robją Germańcov, tede vszedné gazetnjictvo polskji vrzeszczi na alarm, ale kjej tē to robjisz, abo takji, co tak mesli, jak tē — tej je cecho. Dze tede je cenzor? Kask głupi tē jes, autorze, przeznoj le se; mě ce przebozczimě i poséłomě do szkołé strzedné, žebes so novožnjeszych rzeczi nawuczil. Gorzij, kjej tē mdzesz za stori, bo tej dlo ce, bjedoku, wostanje leno K...

— „Il. Kur. Pałucki“ (Pom.), Żnin, z dnja 18. VIII. tr. zamjeszczô artikjel na str. 5 „Nie masz Kaszub bez Polonii, a bez Kaszub Polski!“ Redakcejô przed artiklę daje wod sebję takji vstępní: „W artykule poświęconym polityce polskiej, a w szczególności problemowi czechosłowackiemu korespondent warszawski „Temps“ wyraża zdanie, że Niemcy wyzyskują sprawę sudecką dla szerzenia separatyzmu wśród ludności kaszubskiej, akcji regermanizacji mniejszości niemieckiej w Polsce. O tym jak w istocie przedstawia się sprawa kaszubska, mówi poniższy artykuł. Red“.

Artikjel napjisaní przez znającigo sprave kaszebskji; perznę je tam félov, ale to wuńdze. Przedstovjo nama autor dzeje ruchu kaszebskji go wod Mrongovjusza i Cejnove do „Zrzesze“.

PRZEZER VEDAVOV

— Slavia Occidentalis, t. 16, Poznań 1937 (drek. vek. 31. V. 1938). Artikle: Zarząd I. Z. S. „Dr Friedrich Lorentz“. M. Rudnicki „Imiona osobowe z Pom. Zach. (Szczec)“. T. Lehr-Splawiński „Zachodnia granica językowa kaszubszczyzny w w. średnich“ ij. — V dzélu kriticznim M. Rudnicki pjisze wo „Zrzeszy“ na str. 190—225 i wo Lorentza „Kaschubische Grammatik na str. 225—234.

— Teka Pomorska R. III, 4, lepijńc-zélnjik 1938. Torń. Mjidge artiklami: X. K. Kantak „Spuścizna literacka po Al. Majkowskim znajdujaca się w moim posiadaniu“. V kronjice krotkji recenzje A. Bukovskji go: Leon Heyke Katilina i B. Sěhta Dzěvczę i mjedza.

— Dnja 16. VIII. wumar v Ružemborku (Slovakcejô) X. Andrzej Hlinka, wodca Slovakov, chteren całé žécé valczel wo sluszně prava svego norodu. Bełe v jeho roboce politiczni fele, bełe zgrzete, bełe pocignjęca — novjicij v wostatnych mjesacach jego žécigo — chterne vėvolivale vkoł dzevotę. Vjele belo gļosov woburzenigo, kjej sztotami choł se vzorovac na Henlejnje. Vjalgji je jego dorobk, Won pjerszi v czasach pojmanjigo zapoloł wognjiszcza buntu v sercach slovackjich, wołoł wo volnotę i nje-podległotę. Pravje som, bo le z grepką nobležszieh mu ledzi-szolińcov atakovoł i szturmovoł bez pardinu Austro-Vėgrov. Beł czļovjekę wo vjalgji szlachoce i gļębokjich vortnoscach moralnych. Ve vszetkjim kjerovoł se vseczecim — prędkji i krėvjisti, chutkji i bezpostrzedni, przëtím tczėvortni i szanovoni bez całi norod slovackji. Diplomata nje beł, beł rovnak stanjicovim vjalgji deji, beł stanjica, chterna przeńdze na Akropolis slovackjigo norodu.

Tłukjem Zrzesze Kaszebskji v Kartuzach.